

Tuesday, September 1, 2026

Time - 2:30pm - 2:35pm

AKASHVANI AIZAWL REGIONAL NEWS UNIT

REGIONAL NEWS BULLETIN (MIDDAY)



MUALTHUAM N :

Mualthuam North khaw tleirawl H . Ramdinpuii thattu ni a puh Denghmingthanga, Mualthuam North khua chu Police in an kawl laiin nizan dar 12:00 vel khan a tlan chhuak a. A tlan chhuah thu hi tukin zing lam khan Social media ah a darh nghal a ni.

Hemi chungchangah hian thil awm dan chianguang takin Police ten media mi te an la hrilh Chiang Lova, amaherawhchu thudawn danin Police Custody atanga a bo tih an hriat hian Thana a duty Police te chuan an zawng ve nghal a, mahse chanchin buatsaih lai thleng hian man a la ni lo.

Thannaah hian CCTV vuah a ni a, hei hi tangkai thei tur a ngaih a ni.

Tukin lama he thil thleng ngaihventu media mi te chu Police ten engmah an hrilh thei lova, SP hovin thil awm dan an sawiho a, an thuchhuak leh thil thleng dan diktak ngaihchan mek a ni.

Lunglei Police Thanna record a a lan danin nikum khan tan tlanhhuak 2 an lo awm tawh a ni.



CM

Chief Minister Pu Lalduhoman chuan Ruihhlo do kawngah sawrkar ,YMA, kohhran leh NGO hrang hrangte nen nasa taka hma an lak thu sawiin, ruihhlo pawh a vang chho mek a ti.

Vawiina CM Conference Hall-a ruihhlo do chungchang mimal lehkhahu ziah a tlangzarhnaah he thu hi sawiin Pu Lalduhoma chuan, A zuar tu leh a rawn keng lutte tih tlem (Supply reduction) lamah leh a mamawh tu ruihlo ngai te ti tlem (Demand reduction) lama an hmalakna te chuan rah tha chhuah zelin ruihhlo pawh a vang chho mek a ni a ti.

Ruihhlo chu nghei theih a ni tih inzirtir thar a tul hle a, ruihlo ngai sim tum tak takte chu sorkar pawhin kawng hrang hranga chhawmdawl a inpeih reng thu sawiin, Hulhhliap Short Stay Centre-ah pawh ruihhlo nghei chauh zirtir lovin mahniah kea an din zui theih nan skill training an pek tel thu leh an zinga mi 21 pheih chu Handholding Scheme atangin CM Special Package pek an ni tawh a ti. Ruihhlo ngai sim tate chhamdawl (After Care Service) lam chu uar chho leh zualin ruihhlo ngai enkawl tawh leh enkawl mek te an chhuah hnu rei lo tea ti leh mai zelhote a sim hlentir theih a rinthu a sawi bawh.



DISTRIBUTION OF BLIND STICK

Social Welfare, Women & Child Development Department buatsaihin vawiin khan Aizawl Dawrpui Multi Purpose Hall ah Mizoram chhunga mitdel te tan tiang-Blind Stick sem chhuah a ni.

He hun hi Social Welfare, Women & Child Development Minister Pi Lalrinpuii chuan a hmanpui a. Minister chuan Mitdel ten tangkai taka an hman theih tur assistive device (Blind Stick) Toyota Kirloskar Motor Pvt. Ltd in an CSR Fund atanga an leisak chu lawmawm a tih thu sawiin, first phase atan Aizawl leh Lunglei ah Blind Stick 250 sem chhuah a ni.

Minister chuan pian phunga rualbanlo te tan kawng hrang hrangin sorkar in hma a lak thin thu a tarlang a. Mitdel ten lehkhah an chhiar ve theih nan te, thu neihna sang tak commission te dinsak in, disabled person ten public building leh hmun hrang

hrangah easy excess an neih theihnan ruahmanna te a siamsak a, sorkar hnalakna kawngah pawh reservation an tan a pe thin a ni a ti a. Kalkhawm te chu rilru taksa a harsatna avanga rualbanlo te harsatna hriatthiampui a, mihring hlu tak an nihna zahsak a, kawng tinrengah an theihna lai hmuhthiam pui a, an tel ve theihna siamsak chu mi tin te mawhphurhna a ni tih hre thar turin a chah a ni.



HLIMEN NGOS :

Hlimen Local Council leh All NGO chuan Rural Development & Administration Department hnuaia Directorate of Local Administration awm mek Lalsavunga Park enkawl a nih dan chungchanga sorkara an thil phut te a hlawhtlin tak loh avangin vawiin atang khan Park tlawh theih lohin an dang.

Puan tawh angin Lalsavunga Park enkawl dan chungchanga lungawilohna hi August 11 khan Press Release an lo tichhuak tawh a. Chuta an thuchhuah angin, vawiin atangin Lalsavung Park hi tlawh theih lohin an dang a, sorkar atang an phut Lalsavunga Park enkawltu hi a contract cancel ngei ni rawh se tih chu khawtlang hruaitute leh mipuite duhdan a la ni reng a ni an ti a, heng an duhdan sorkar atanga hmalakn an hmuh hma loh chu Lalsavunga Park hi vawiin atangin tiamchin awm lovin an dang dawn a ni.



NH

Kar kalta atanga Fur ruahtui tla nasa avangin Mizoram chak lak luhna kawng pawimawh Vairengte leh Aizawl inkar National Highway 306 chu Kolasib thlen hma Rengtetlangangah leimin avangin kal tlang hleihtheih loh a, dan a ni.

Kan corr sawi danin, khualzin phur motor leh Mizoram mamawh bungraw phur motor te chuan Buhchangphai khawngah hel in helai kawng dinhmun pawh hi tha lo hlein ruhsur nasa hian kawngpui chu a chim sang hle ani. Tun dinhmunah Mizoram hmar lam kawnga zin vaivak leh mamawh phur motor ten harsat na an tawk nasa hle a ni.

